

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. उपराज्यपाल होरें आखेआ जे विकसित जम्मू-कश्मीर लेई वीर जवानें, नेताण करसानें ते युवाणदे समर्थन दी सख्त लोड़ ऐ।
2. विधानसभा दे स्पीकर होरें आखेआ जे इस बजट सत्र च कुसै कन्नै बी फर्को-फर्की नेई होग। एन.सी नै बजट लेई महत्व आहली इक बैठक 2 मार्च गी सद्दी ऐ।
3. उपमुख्यमंत्री होरें आखेआ जे सरकार जम्मू-कश्मीर दे पूरे-पराते विकास लेई बचनबद्ध ऐ।
4. जम्मू-कश्मीर निकाय आसेआ समर्पित पिछड़े वर्ग दे आयोग नै अपनी अखीरी सफारिशा सौंपिया।
5. भारी बरखा, पस्सियें ते हाड़ जम्मू खेतर च जन-जीवन अस्त-व्यस्त ते जम्मू-कश्मीर जरनैली शिड़का उप्पर ट्रैफिक दी आओजाई बढ़।

<><><><><><>

LG-Samman

उपराज्यपाल मनोज सिन्हा होरें आर्टिफिशल इंटेलीजेंस आहले इस तरक्की दे दौर च समावेशी विकास, सामाजिक समानता ते युवा सशक्तिकरण दी लोड़ उप्पर जोर दिता। एह गल्ल उनें

जम्मू च वुमन क्लब मेरी पहचान आसेआ आयोजित इक कार्यक्रम च आक्खी। इस दौरान महाराज हरि सिंह डोगरा सम्मान पुरस्कार 2025 दे भेंट कीते गे। इस मौके पर बोलदे होई उनें सामाजिक आर्थिक बदलाव लेई सामूहिक जत्नें दा आग्रह कीता। उनें आखेआ जे विकसित जम्मू-कश्मीर लेई वीर जवानें, समाजी खेतरें दे नेताएँ करसानें, उद्यमिण युवाएँ ते महिलाएँ दे समर्थन दी सख्त लोड़ ऐ। इस कार्यक्रम च साबका फौजी, सामाजिक कार्यकर्ताएँ गी उन्दे उल्लेखनीय योगदान लेई सम्मानित कीता गेआ। इस मौके पर बोलदे होई उपराज्यपाल होरे आखेआ।

<><><><><><>

Budget-Session

विधानसभा दे स्पीकर अब्दुल रहीम राथर होरे सब्बनें सियासी पार्टिण ते आजाद विधायकें गी अपील कीती ऐ जे ओह इस बजट सत्र गी उत्पाद बनान। एह सत्र 3 मार्च गी शुरू होआ रदा ऐ। सर्वदलीय बैठक दी अध्यक्षता करदे होई उनें सदन गी सकारात्मक गल्लबात, चर्चा, आपसी सहयोग कन्ने चलाने पर जोर पाया। एहदे च भातीय जनता पार्टी, नेशनल काँग्रेस, काँग्रेस, सी.पी.आई (एम) पीपल्स डेमोक्रेटिक पार्टी ते आजाद मिम्बरें हिस्सा लैता। स्पीकर होरे प्रश्नकाल दी महत्ता गी उजागर कीता। विपक्ष दे नेता ते होरनें नुमाइवें इसी सुचारू ढङ्ग सिर चलाने च अपना पूरा-पूरा सहयोग देने दा भरोसा दोआया।

<><><><><><>

NC-Meeting

3 मार्च थवाँ शुरू होआ रदे विधानसभा दे बजट सत्र थवाँ पैहले सत्ताधारी पार्टी नेशनल काँग्रेस नै महत्वै आहली इक बैठक 2 मार्च गी सद्दी ऐ। पार्टी दे नेता मुबारक गुल होरे इस बैठक गी

लाए जाने दी तसदीक कीती ऐ। एह बैठक मुखमन्त्री हुधे आधिकारिक आवास च बैंक्वेट हाल च दपैहरी 2 बजे लग्गोग। बैठक दी अध्यक्षता मुखमन्त्री उमर अब्दुल्ला होर करणन। इस दौरान कई सारे महत्वै आहले पैहलुएजियाऔधे बजट, विधाई मामले ते होर सरबन्धी मामलें पर चर्चा होग। गुल होरें आखेआ जे इस चर्चा दा मकसद नीतियाबनाने ते माली फैसले लैने जनेह विशें पर केंद्रित होग ते एहदे राएपार्टी दे नजरिए गी बी आकार थहोग।

<><><><><><>

DY. CM

उपमुखमन्त्री सुरिन्द्र चौधरी होरें आखेआ जे सरकार जम्मू-कश्मीर दे पूरे पराते विकास लेई बचनबद्ध ऐ। एह गल्ल उनें बडगाम च 14 करोड़ 15 लख रुपे दी लागत कन्नै बनाए जा रदे Chewdara Beerwah पुल दे कम्मै दी शुरूआत करोआधे मौके आक्खी। एहदे लेई नाबार्ड आसेआ फछ बागुजार करोअसए जा रदे न। एहदा मकसद खिते च राबते गी बेहतर करना ऐ। उपमुखमन्त्री होरें अधिकारिएगी हिदायत कीती जे ओह कम्में गी समेंसिर पूरा करन ते कम्मै च आवा रदी रूकावटें गी दूर करन। मीडिया कर्मिएकन्नै गल्ल करदे होई उपमुखमन्त्री होरें आखेआ।

<><><><><><>

Rana Water Scheme

जल शक्ति मन्त्री जावेद अहमद राणा होरें पुछ जिले दे मनकोट ब्लाक च जल जीवन मिशन तैहत 2 पानी सप्लाई स्कीमें दा उद्घाटन कीता। एह पानी सप्लाई स्कीमाबरोई चौकी ते

शेड़खान बरजा च कायम कीतिया गेइया न। इधे पर 3 करोड़ 85 लक्ख रपे ते 2 करोड़ 82 लक्ख रपे बिलतरतीव लागत आई ऐ। एहदे कन्नै 7 जहार थवा बद्द लोकें गी लाह थहोग।

<><><><><><>

JK Commission

जम्मू-कश्मीर दे मकामी निकाए आसेआ समर्पित पिछड़े वर्ग दे आयोग नै कल मुख सचिव अटल डुल्लू होरें गी अपनी अखीरी सफारिशा सौंपिया सेवानिवृत्त न्यायमूर्ति जनक राज कोतवाल हुद्दी अगुवाई च आयोग गी ओबीसी प्रतिनिधित्व बारे अनुभवति अध्ययन करने, हितधारकें कन्नै गल्लबात करने ते शैहरी ते ग्रामीण मकामी निकाए दौनें लेई बक्खरे-बक्खरे तौरा पर आरक्षण दी सिफारिश करने दा कम्म सौंपेआ गेआ। आयोग दा कार्यकाल जेड़ा दिसबर 2024 च समाप्त होआ रदा हा, उसी फरवरी 2025 तग्गर बधाय़ा गेआ ऐ।

<><><><><><>

IGP Jammu

खेतर च सुरक्षा गी मजबूत करने ते शांति बनाई रखने लेई इक महत्वपूर्ण गेंऽ पुट्टदे होई आई.जी.ी जम्मू भीमसेन तूती होरें हाल च गै डोडा-किश्तवाड़-रामगबन रेंज च दो दिनें दी सुरक्षा ते अपराध लेई कीती गेदी समीक्षा जातरा दा समापन कीता। अपने इस दौरै दरान आई.पी.जी होरें सुरक्षा एजेंसिए दे आपसी तालमेल गी मजबूत करने उप्पर ध्यान दिता। उनें इस खेतर दी शांति स्थिरता गी यकीनी बनाने लेई जोर दिता।

<><><><><><>

J&K Weather

जम्मू-कश्मीर च कल बरखा, ल्हास-पस्सिया पौने ते चानचक्का हाड़ औने करी पुछ जिले च सूरन नदी च त्रै लोकेँ दी मौत होई गई ते त्रै होरनेँ दे रुड़ी जाने दी शँका ऐ। रियासी जिले च बी इक नौजवान नाले च हाड़ औने करी रुड़ी गेआ। साबा जिले च बिजली पौने करी इक मद्रिरेँ गी नुकसान पुज्जा जदके कल सझा रामबन च नेका थाहें उप्पर ल्हास-पस्सिया पौने करी जम्मू-श्रीनगर राश्ट्री जरनैली सिड़क एनएच-44 बद्ध करी दिती गई ऐ। जम्मू-किश्तवाड जरनैली सिड़केँ गी कल फग्गुमढ दे नेड़े तकरीबन 5ए घँटेँ लेई बद्ध करना पेई गेआ। किश्तवाड, डोडा, रामबन, पुछ ते रियासी दे मते उछाई आहले इलाकेँ च भारी बर्फबारी होने दी खबर ऐ। जम्मू च पूरा दिन लगातार बरखा बरने करी आम जनजीवन प्रभावत होआ ऐ। कल कटरा च स्थित माता वैष्णों देवी मँदर लेई हेलिकॉप्टर सेवा ते बैटरी कार सेवा बी बद्ध रेई। ताराकोट मार्ग दे राहें होने आहली जातरा बी बद्ध रक्खी गई।

<><><><><><>

Traffic

जम्मू-श्रीनगर राश्ट्रीय जरनैली शिड़क पर नाशरी ते नवयुग सुरक्षा बश्कार कई सारी थाहरें पर लगातार बरखा होआ रदी ऐ ते कई थाहरें कुप्पड़ बी पवा रदे न। इस करी करी गड्डिएँ दी आवाजाई दौनेँ भेठा दा बद्ध ऐ। विभाग नै उच्चिएँ धारें पर बर्फबारी ते भारी बरखा होने दी पेशगोई कीती ऐ। लोकेँ सलाह दिती ऐ जे ओह मौसम सरबद्धी परामर्श दे आधार पर गै अपनी जातरा करन। कोई बी व्यक्ति जातरा थवाँ पैहले इनेँ नम्बरें 94199-93745 ते 18008-07043 पर राबता करिएँ जानकारी लेई सकदा ऐ।

<><><><><><>

Announcement

आकाशवाणी जम्मू दे क्षेत्रीय समाचार एकाक्षा आसेआ कठुआ जिले लेई अक्षाकालिक सवाददाता यानि पीटीसी लेई दरखास्ता मगिया गेइया न। इच्छुक आवेदक जेहदी उमर 24 थमा 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पञ्जीकृत यूनिवर्सिटी थवा गैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबस्त लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अघर-अघर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकाक्षा आकाशवाणी पञ्जतीर्थी पिन कोड 180001 उप्पर उप्पर 07 मार्च 2025 थवा पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>